

22. marts 2007

UPA 2007/30

UPA 2007/33

**Aningaasarsianit akileraarutit pillugit Inatsisartut inatsisaannut  
allannguutissatut siunnersuut  
(Ullut 60-it pillugit maleruagassap allanngortinneqarnera, akileraarutit pillugit  
nassuiaammik tunniussinissamut akiliinissamullu il.il. piffissaliunneqartut)**

**kiisalu**

**Sulisoqarnermut akitsuut pillugu Inatsisartut inatsisaata  
Allanngortinneqarneranik Inatsisartut inatsisissaattut siunnersuut  
(Sulisoqarnermut akitsuummik nalunaarutinik tunniussinissamut  
akiliuteqarnikkullu isumannaarinissamut piffissaliunneqartunut allannguutit)**

**pillugit**

**Inatsisartut Akileraartarnermut Akitsuusiisarnermullu Ataatsimiititaliaata**

**ISUMALIUTISSIISSUTAA**

**Aappassaaneerinermi saqqummiunneqartoq**

Inatsisartut Akileraartarnermut Akitsuusiisarnermullu Ataatsimiititaliaat  
suliarinninnermini ukuninnga inuttaqarpoq:

Inatsisartunut ilaasortaq Emilie Olsen, Atassut (siulittaasoq)  
Inatsisartunut ilaasortaq Jens Lars Fleischer, Siumut  
Inatsisartunut ilaasortaq Palle Christiansen, Demokraatit  
Inatsisartunut ilaasortaq Olga P. Berthelsen, Inuit Ataqatigiit (sinniisussaq)  
Inatsisartunut ilaasortaq Doris Jakobsen, Siumut (sinniisussaq)

UPA 2007-imi siunnersuutit siullermeerneqarneranni inatsisissatut siunnersuutit  
nassuiaataat kiisalu tusarniaanermi akissutinik pissarsiat ilanngullugit Inatsisartut  
Akileraartarnermut Akitsuusiisarnermullu Ataatsimiititaliaata misissuataarpai.  
Siunnersuutillu siullermeerneqareermata Aningaasaqarnermut Nunanullu Allanut  
Naalackersuisumit allakkat 15. marsi 2007-imeersut pissarsiarineqarput. Allakkat  
taakku isumaliutissiissummut matumunnga **Ilannugsaq 1-itut** ilanngunneqarput.

**Inatsisissatut siunnersuutit siunertaat.**

*Aningaasarsianit isertitat* pillugit inatsisip allanngortinneqarnissaanik inatsisissatut siunnersuut iluarsiinernik assigiinngisitaartunik imatut siunertalinnik imaqarpoq:

- Utaqqiisaasumik sulisorisanut avataaneersunut akileraartussaataitaaneq ullunut 60-inut taarsiullugu ulluni 14-ini sumiiffimmeereermermi nalinginnaasumik atuutilertassasoq. Aatsitassanik sullivinnut immikkut ilanngaasiinnaatitaaneq atorunnaarsinneqassasoq, taannami ulluinnarni atornerneq ajormat.
- Kinguaariit nikinneranni sullivimmik piginnittuunermet atugassarititaasut oqilisarneqassasut.
- Akileraarutit ilaannik nalunaaruteqartarneq akiliisarnerlu pillugit piffissarititat sukaterneqassasut.
- Akiliisitsiniaasartut aningaasarsianit ilanngaansamik peqqusisinnaanermet pisinnaatinneqassasut.
- Kommunit akileraarutinit pisassaasa ilaasa erniaat nunap karsianut nakkartinngit kommuninut nakkartinneqartassasut.

*Sulisoqarnermet akitsuummumt* tunngatillugu siunnersuutip sulisoqarnermet akitsuutinik sulisitsisut nalunaaruteqartarnerat akiliisarnerallu pillugit piffissaliussanik siuartitsissaaq. Tamanna aningaasarsianit akileraarusiisarnermet inatsimmi piffissaliussanik taamatuttaaq sukaterinermet atasutut isigineqassaaq.

**Inatsisissatut siunnersuutit tusarniaassutigineqarnerat.**

Inatsisissatut siunnersuutit marluusut ulloq 11. decembari 2006-imiit ulloq 15. januaari 2007-imut ataatsimoortillugit Akileraartarnermet Pisortaqarfimmit tusarniaassutigineqarput. Tusarniaanermut piffissaliussatut tusarniaavigineqartussatullu toqqakkat tusarniaanermilluunniit akissutisianut Akileraartarnermet Akitsuusiisarnermullu Ataatsimiititaliaq oqaaseqaateqan-ngilaq. Tusarniaanermi angusanut tunngatillugu inatsisissatut siunnersuutinut nalinginnaasumik nassuiaatit innersuunneqarsinnaapput.

**Inatsisissatut siunnersuutit Inatsisartunit siullermeerneqarnerat.**

Inatsisissatut siunnersuutit marluusut siullermeerneqarneranni Inatsisartunit partiinit tamanit taparserneqarput, sulisoqarnermullu akitsuut pillugu inatsimmik allannguinnissatut inassutigineqartoq Esmar Bergstrømimmit attaviitsuusumit itigartinneqassasoq inassutigineqarluni.

Sulinermut atasumik nunatsinniinnermet atatillugu aningaasarsiat pillugit inatsimmik atornerluisoqartarnera ilisimatitsissutigineqarsimammata Atassutip oqaaseqartuata ernummatigigini oqaatigaa, taakkumi Kalaallit Nunaanni akileraartussaataitaaneq pinngitsoorumallugu ullunit 60-init piaarluni sivikinnerutinneqartarsimammata. Taamatut inatsimmik unioqqutitsinerup annertussusia kiisalu piffissami matumani isertitassaraluaatut annaasanik pissarsiniarsinnaanermet periarfissat itisilerlugit nassuiarneqassasut ujartorneqarpoq.

Akileraarutit assigiinngitsut sullivinnit nalunaarutigineqarnissaannut akilerneqarnissaannullu piffissaliussanik sukaterineq eqqarsarnartoqartikkini Inuit

Ataqatigiit oqaaseqartuataq oqaatigaa, sulliviimmi mikinerit ingammik eqqarsaatigalugit akiliisinnaassuseqarnerat oqimaannerulissasoq aarleqqutigineqarmat. Sulliviit nutaamik aallartittut kommunillu akiliisinnaassuseqarnerat sulisoqarnermut akitsuutip allanngortinneqarnissaanik itigartitsinerminut ilaatigut tunngavigigini attaviitsup Esmar Bergstrømip oqaatigaa.

### **Akilerartarnermut Akitsuusiisarnermullu Ataatsimiititaliap isumaliutersuutai.**

Inatsisissatut siunnersuutit marluusut iluserisatik atorlugit Inatsisartunit tapersiivigineqartariaqartut Akilerartarnermut Akitsuusiisarnermullu Ataatsimiititaliap isumaqarpoq. Inatsisini atuuttuni iluarsiiinerit annikitsut arlallit isumaatujusulli pineqarput. Sulisut avataaneersut akilerartussaataitanerat pilertortumik atuutilersinneqarsinnaappat akilerartarnikkut iluanaaruteqarniutaajunnaassasoq Ataatsimiititaliamit pingaartumik iluarisimaarpaa. Nunami maani inuussutissarsiornikkut suliniutit inuiaqatigiisutsinnut iluanaarutaalluarnernissaat taamaalilluni qulakkeerneqassaaq.

Akilerartarnikkut iluanaarniarneq manna tikillugu ingerlanneqarsimasoq inatsisit atuuttut iluini pisarsimammat Akilerartarnermut Akitsuusiisarnermullu Ataatsimiititaliap tusaatissatut tiguaa, takukkit Aningaasaqarnermut Nunanullu Allanut Naalakkersuisup ulloq 15. marsi 2007-imi allakkamini itisilerutitut oqaatigisai. Inuinnaat suliffiillu akilerartarnikkut iluanaaruteqarfionerpaamik angusaqarnissaq siunertaralugu iliuuserisaminnik piareersaasarnerat maleruagassat atuuttut iluini pisarmat Ataatsimiititaliap uparuaavigissanngilaa. Tamanna aamma atuuppoq sullivinnut nunanit allaneerlutik Kalaallit Nunaanni inuussutissarsiornikkut ingerlatalinnut. Maleruagassalli maannakkut siunissamut sukateriffigineqarmata tamatuma peqatigisaanik Ataatsimiititaliap iluarisimaarini oqaatigissavaa, tamannami nunatta aningaasaqarnikkut annertusiartuaartumik ineriartornissaanik kissaateqarnermut naleqqunnerpaajummat.

Akilerartarutit akitsuutinillu assigiinngitsunik sulliviit nalunaaruteqartarnerat akiliisarnerallu pillugu piffissaliussamik sukaterinissaq eqqarsaatigalugu taakkununga atatillugu nanertuutaanerulersussat akuersarnaartutut isigisariaqartut Ataatsimiititaliap isumaqarpoq. Sulliviit maannamutut ulluni 30-ni akiligassaminnik uninngatitsisinnaanerit taarsiullugu siunissami ulluni 20-ni uninngatitsisinnaalissasut tassunga atatillugu Aningaasaqarnermut Nunanullu Allanut Naalakkersuisup erseqqissaatigaa. Akilerartarutit A-t sulisoqarnermullu akitsuutip aningaasarsisitsinermit atatillugu akilerneqarnissaat minnerunngitsumik pissusissamisoornerpaassaaq. Taamaammat akilerartarutit taakkorpiat akissarsianit ilanngaatigineqarnissaat sulliviit akiliisinnaassuseqarnikkut piareersimanissaannut tapertatut naleqqunnerpaatut isikkoqanngillat. Ataatsimiititaliamittaaq naggataatigut eqqaamaqquneqassaaq piffissaliussamik sukaterinissaq suliamut tunngasut pissutigalugit siunnersuutigineqarsimammat. Taamaammat ullormik ataasiinnarmilluunniit maannakkut piffissaliussamik qaangiinerup kingunerissavaa kommunit akilerartarutinit pisassat Namminersornerullutik Oqartussat qaammammik ataatsimik kinguaattoorlutik aatsaat utertissinnaammatigit. Taamaammat akilerartarutinit utertoortissat pissusimamisunngitsumik kinguaattoornerisigut akilerartarutinit utertitassat naapertuutinngitsumik kommunit minnerit

akiliisinnaassuseqarnerat allannguutikkut pingaartumik illersorneqassasoq  
naatsorsuutigineqarsinnaavoq.

**Akilerartarnermut Akitsuusiisarnermullu Ataatsimiititaliap inassuteqaataa.**  
Akilerartarnermut Akitsuusiisarnermullu Ataatsimiititaliap isumaqatigiittup siuliani  
oqaatigisani tunngavigalugit inatsisissatut siunnersuut saqqummiunneqarnermisut  
Inatsisartut aappassaaneerinerminni akuersissutigissagaat inassutigaa.

Taamatut oqaaseqarluni Inatsisartut Akilerartarnermut Akitsuusiisarnermullu  
Ataatsimiititaliaata siunnersuut Inatsisartunut aappassaaniigassanngortippaa.

Emilie Olsen  
Siulittaasoq

Doris Jakobsen

Olga P. Berthelsen

Palle Christiansen

Jens Lars Fleischer

[Ilanngussaq](#)